

孝義縣誌

卷目

乾隆三十五年知縣鄧必安

重脩

第一冊

同脩姓氏

例目

縣治沿革誌一卷

第二冊

城池疆域誌一卷

山川渠堰誌二卷

第三冊

里甲村庄誌二卷

田賦積貯誌一卷

第四冊

官司建置誌一卷

學校典禮誌一卷

物產民俗誌一卷

第五冊

官紳姓名誌三卷

第六冊

人物事蹟誌一卷

勝蹟祥異誌一卷

第七冊

藝文叅攷誌一卷

第八冊

藝文叅攷誌一卷

孝義縣誌藝文叅攷卷三

郭司寇傳

此篇以後皆
國朝人作

河南張

漢

太守

大司寇逸菴先生不尚以書名者也兼書名者也不尚
書名者以先生之德之才之學之守以及政蹟無不
可名者也而兼以書名者以先生之德之才之學之守
以及政蹟出其餘以精書法亦妙天下吾屬雒陽令
朝鼎先生第五子也數爲吾道先生書法因先生手
書凡十四冊屬予爲傳予維因書有傳是以人重也
然書以人重予爲傳書並及之先生諱世隆字昌伯
號逸菴上世山西汾州府孝義縣人以父國初入

籍隸漢軍爲鑲紅旗人以軍功拜他喇布勒哈哈番
弱冠襲其職洊歷司寇嗚呼先生真汾陽王曠世一
遇者耶按狀先生性簡靜能容物慎言行重名節不
爲崖岸之行其德器如此往者三藩之變先生以部
郎佐夸蘭大出鎮荆襄叅謀軍務而逆黨平叙註得
上考撫直隸時厄魯特犯順

上發禁旅十萬至宣化大同待征塞北令先生籌軍
儲三日立就兵屯七十餘日無悞四境帖然
類如此初在禮部時內府前明書籍缺譌奉

旨釐正計凡五十七種又勅行耕藉議定儀注及

六經日用名物人多取正引入清書大全自上疏章亦十二卷又破例總裁兩館事

命修政治典訓大清一統志三朝國史大清律皆擘畫有條公餘復手不釋卷其學如此生平非義不取其最著者兩郤齋贖禮共九萬在司寇時老僕私請賂六萬正色拒絕尤人人共聞其清介如此若夫政蹟如福陵亭殿銅鋼被盜奉

命赴留都鞠實則雪拜三之冤又廉得刑部積弊卽上私和人命裁冗員靡費私創人葭疏制皆報可

命入陝鞠罪則按鞫章太守之貪而原數屬令不坐太守

孫鏞控巡撫則雪六郡守五十七縣令之冤直隸巡撫于疏奏禁烏鎗火器下部議力爭不可禁制亦報可京師巡捕三營疏奏專隸九門提督兵校不疲於奔命胥感其德直隸賑饑奏減價平糴存活人無慮百餘萬疏請改萬全都司爲宣化府析置八縣議立守令舊弁悉除撫贊皇子午套之寇畊作帖然督修潞河而陽侯無患在閩減歲修戰艦之征不下二三十萬奉爲成法又毀五顯淫祠數十區五顯嶺有祠同日自燔鼓鑄則設版收小錢民怨以靖疏請改貢物折色天下徵解本色已十裁六七疏請除地丁外

之折微而橫徵罷疏請裁順德鎮移防要衝造艘置械百年滋蔓之寇一旦寢息又藩臣移駐歲私歛金三十餘萬名曰均平力除不行其政蹟纍纍史不勝書也若夫弱冠承襲歷禮部祠祭司員外超遷御史晉內閣學士兼禮部侍郎出撫直隸歷潮閩兩廣湖廣三任總督終刑部尚書命服一品服遭遇如此溫旨屢下 賜褒稠疊不可勝紀而 賜御書岳牧之任及端方兩字與 賜筵路路清廉圖尤肖生平路路清廉蓋筵寫青蓮兩鷺也

九重寵注又何優以渥也至立朝建白幾五十年壽七

十三廼終一庭十四子十七孫十四曾孫家亦日昌
以大於戲視二十四考中書八子貴顯諸孫問安惟
領之者何如也而汾陽位極人臣以一身繫天下安
危之重不聞與顏褚柳歐之徒爭書名一時先生書
名殆於過之又可無傳乎予不揣妄愚續書先生手
書尾頁纂排遺事時先生尚有五子爲郡縣洛陽尤
肖先生有政聲

舊史張漢曰我聞郭司寇將誕時家數夢大雷雨亦
復繞室大雷雨而司寇生蓋嘉平月哉生明前一日
也是年直甲申又我朝受命之始歲司寇生應數乎

齒踰七耄仕宦五十年始終

聖祖仁皇帝一朝何其久也嗚呼天造草昧雲雷屯君
子以經綸司寇之謂乎

均平里甲碑補

康熙十三年

霍

焜邑舉人

維王體國經野則壤定賦阡陌開兩稅徵而古制蕩然矣橫渠子嘗欲買田一區規其遺法著爲成書使可舉而措之行事然郡邑而後讀柳子厚封建論體國經野付之望洋壤不可則而賦不可定是以大壤極亂兼併於豪強飛詭於里胥有明江陵相君殫心民瘼使者四出清覈隱匿均平輕重豈不翕然情輸惟是姚元之救時已耳曾不可管晏終身況爲法天下傳於後世黃石齋先生著作成癖折衷利弊考定制度誦典彙一書至司農掌故表化附錄若唐府兵

視周官大司馬法謂之善學展禽但無徵不信空言
無當撫編欣慨而已我見翁陳老父台挺拔江右匡
廬闔闢章貢吞吐晦菴陽明迹學未泯所謂物華天
寶採藻六經者也下車以來水蘂矢搯瘁瘡誓勤築
柳堤以防水患禁燒窰以疏龍脉起樊扶衰無不次
第舉行而尤毅然以張相君之事行黃石齋之言以
成張橫渠之志而漸合千古聖賢之法田歸於里賦
歸於田兩不得那移豪強無所肆其貪里胥無所容
其奸凡我城邑郊野凡我紳衿庶民沐公德不朽而
惟恐奸蠹者不守公法或有侵淫沮格於異日惟神

祇惟父老子弟尚共保茲石奉其良法悉及偏苦隱射之害今公普畫於後用播無窮焉本邑原設二十八里嗣以人民凋敝併而爲十五里十五里之中附有三佃里其間田有轉售糧數之多寡不均人有興衰丁數之盈歉不均輕重懸殊其苦各別富者益富貧者益貧其流弊不可勝言公總計通邑之糧之丁共四萬有奇通邑之里之甲共一百五十每里每甲除丁外各該分糧共二百五十有奇汾介三佃里亦如本邑十二里之例使之各底於平一轉移間里無偏累戶無偏害胥吏不得上下其手里書不得輕重

其心豪右奸宄不得飛洒出入而恣其漁獵茲伐石
紀之以昭將來毋爲左右所惑輕變其法焉

邑侯辛國華遺愛碑

補鑲黃旗人康熙二十七年任

失名

捐俸修庠功存廊廡防水築堤患消城府待旦勤民
維新鐘鼓濟衆立橋惠流商賈童稚得師孤貧待哺
垣墉無虞四郊安堵

